



## გ ა ნ ჩ ი ნ ე ბ ა

საქართველოს სახელით

10 მარტი, 2011 წელი

ქ. თბილისი

### თბილისის სააპელაციო სასამართლოს ადმინისტრაციულ საქმეთა პალატა

#### მოსამართლე – მანანა ჩოხელი

**აპელანტი – სსიპ თბილისის პროფესიული სწავლების ცენტრი „სპექტრი“  
მოწინააღმდეგე მხარე – მერი ჩაკაბერია  
დავის საგანი – ინდივიდუალური ადმინისტრაციულ-სამართლებრივი აქტის გამოცემა  
გასახივრებული გადაწყვეტილება – სოხუმისა და გაგრა-გუდაუთის რაიონული  
სასამართლოს 2010 წლის 21 ოქტომბრის გადაწყვეტილება  
აპელანტის მოთხოვნა – გადაწყვეტილების გაუქმება და საქმის დაბრუნება იმავე  
სასამართლოში განსახილველად**

**ზეპირი მოსმენის გარეშე განხილა სასამართლო შეტყობინების საჯაროდ  
გავრცელების საკითხი და**

#### გ ა მ თ ა რ კ ვ ი ა :

სოხუმისა და გაგრა-გუდაუთის რაიონული სასამართლოს 2010 წლის 21 ოქტომბრის გადაწყვეტილებით მერი ჩაკაბერიას სარჩელი ადმინისტრაციულ-სამართლებრივი აქტის გამოცემის დავალდებულების შესახებ დაკმაყოფილდა. გადაწყვეტილება სააპელაციო საჩივრით გაასაჩივრა მოპასუხება – სსიპ თბილისის პროფესიული სწავლების ცენტრი „სპექტრი“ და მოითხოვა გადაწყვეტილების გაუქმება და საქმის დაბრუნება იმავე სასამართლოში განსახილველად.

თბილისის სააპელაციო სასამართლოს ადმინისტრაციულ საქმეთა პალატის 2011 წლის 18 თებერვლის განხინებით დაინიშნა საქმის ზეპირი განხილვა – 2011 წლის 16 მარტს 12:00 საათზე, სხდომის დარბაზი №14.

დადგენილია, რომ საქმეში მონაწილე მოწინააღმდეგე მხარეს – მერი ჩაკაბერიას სარჩელში მითითებულ მისამართზე – თბილისი, ვარკეთილი 3, მე-2 მ/რ, №204 ბაგა-ბაღი, მე-2 სართული, გაეგზავნა სასამართლო უწყება ორჯერ და არ ჩაბარდა ვინაიდან, ადგილობრივმა მაცხოვრებლებმა განაცხადეს, რომ ადრესატი იმყოფება უკრაინაში.

თბილისის სააპელაციო სასამართლომ იმსჯელა საქმის სრულყოფილად, კანონმდებლობით დადგენილ უმოკლეს ვადაში განხილვისა და გაჭიანურების თავიდან აცილების გარემოებებზე, გაითვალისწინა საქართველოს სამოქალაქო საპროცესო კოდექსის 78-ე მუხლით განსაზღვრული დანაწესი, რის შედეგადაც მიიჩნია, რომ მართლზომიერია საქმეში მონაწილე მოწინააღმდეგე მხარეს – მერი

ჩაკაბერიას სასამართლო სხდომის დღის შესახებ ეცნობოს საჯარო შეტყობინების საშუალებით.

საქართველოს ადმინისტრაციული საპროცესო კოდექსის პირველი მუხლის მე-2 ნაწილის თანახმად „თუ ამ კოდექსით სხვა რამ არ არის დადგენილი ადმინისტრაციულ სამართალწარმოებაში გამოიყენება სამოქალაქო საპროცესო კოდექსის დებულებანი.” საქართველოს სამოქალაქო საპროცესო კოდექსის 78-ე მუხლის თანახმად „თუ მხარის აღგილსამყოფელი უცნობია ან მისთვის სასამართლო უწყების ჩაბარება სხვაგვარად ვერ ხერხდება, სასამართლო უფლებამოსილია გამოიტანოს განჩინება სასამართლო შეტყობინების საჯაროდ გავრცელების შესახებ.”

ზემოაღნიშნულის თანახმად, თბილისის სააპელაციო სასამართლოს ადმინისტრაციულ საქმეთა პალატას საქართველოს სამოქალაქო საპროცესო კოდექსის მე-200.1 მუხლის საფუძველზე, საქმის მომზადების მიზნიდან გამომდინარე, როთაც უნდა მოხდეს ერთ სასამართლო სხდომაზე საქმის დამთავრება და საქმის განხილვის უსაფუძვლო გაჭიანურების თავიდან აცილება, მართლზომიერად მიაჩნია, მოწინააღმდეგე მხარის გაფრთხილება სასამართლო სხდომის დღის შესახებ საჯარო შეტყობინების საშუალებით.

საქართველოს სამოქალაქო საპროცესო კოდექსის 78-ე მუხლის პირველი ნაწილის თანახმად საჯარო შეტყობინება სასამართლო სხდომის დღის შესახებ ხორციელდება იმ გაზეთის საშუალებით რომელიც მასობრივადაა გავრცელებული მხარის საცხოვრებელი ადგილის შესაბამის ადმინისტრაციულ-ტერიტორიულ ერთეულში.

სააპელაციო პალატამ იხელმძღვანელა საქართველოს ადმინისტრაციული საპროცესო კოდექსის პირველი, საქართველოს სამოქალაქო საპროცესო კოდექსის 372-ე, 78-ე, მე-200 და 284-285-ე მუხლებით და

#### დ ა ა დ გ ი ნ ა:

1. მერი ჩაკაბერიას სასამართლო შეტყობინების საჯაროდ გავრცელების საშუალებით ეცნობოს, რომ სსიპ თბილისის პროფესიული სწავლების ცენტრი „სპექტრი”-ს სააპელაციო საჩივრის ზეპირ განხილვაზე დაბარებულია მოწინააღმდეგე მხარის სახით თბილისის სააპელაციო სასამართლოში 2011 წლის 16 მარტს 12:00 საათზე, სხდომის დარბაზი №14;
2. განჩინება არ გასაჩივრდება.

მოსამართლე

მანანა ჩოხელი